



30.april 2019

UPA2019/126

Kalaallit Nunatsinni ullumik pinngortitamut qujaniarfimmik Naalackersuisut pilersitsinissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aleqa Hammond, Nunatta Qitornai)

Pinngortitarsuarput qujaniarfiginaqaaq, pinngortitaqarpugut allanit nallernissaqanngitsumik pinngortitattalu inuiattut nukittuutillutalu akimasuutippaatigut. Pinngortitaq inuuniarfigaarput, aningaasarsiorfigaarput timikkut anersaakkullu nappatigalugu nukissamik pissarsiffigisarparput.

Facebookeraanni ullut tamangajaasa ikinngutitta pinngortitaq assilisimallugu ikkussisarput, alianaannersuaq allanut aamma takoqqullugu qujamasuutigalugulu. Sumiikkaluarutta tamani taama isiortarpugut nunatsinni, qujamasuutigalugulu alianaangisaqingatsigu nunatta pinnissusaa. Qujaniarneq ullut tamaasa takusassaavoq aammalu ullut tamaasa ersertarluni.

Erinarsuutitta amerlanersai qularnanngilaq pinnissuseq asanninnerlu atorneqartillugit pinngortitaq assersuutaaginnarani toqqaannartumik pinnarinninnermik oqariartuuteqartarpoq. Ullut tamaasa tusaasarpavut nipilersuutitik tusarnaartilluta. Nersorinnineq pinngortitarsuatsinnut aamma tassuunga takutinniarneqartaqaaq.

Nunatsinni kusanartuliaq amerlasuutigut pinngortitamik aallaaveqartarput, nersorinninniarneq kusanginnineq aallaaviusarluni. Tassuuna aamma nersorinninnerput annertoq inuiattut atuuttoq takusinnaavarput.

Peqatigiiffiit, Kattuffiit suliniaqatigiiffiillu assigiinngitsut ullumikkut ukiut tamaasa ullormik malunnartitsiniartarput massa ullut pisortatigoortumik naalackersuinikkut aalajangerneqarsimangikkaluartut, soorlu Meeqqat Ulluat, Nerisassat Ulluat assigisaallu. Naalagaaffiit Peqatigiit ullorititanut innersuussisarneri aamma Nunatsinni atuutsinneqarluartarput naalackersuisutigit pisortatigoortuunngikkaluarlutik taamaattoq ullormik malunnartitsiniarnermi pisortanut tips- og lottomit pulje c aqqutigalugu qinnuteqarfigineqarlutik tapiiffigineqarsinnaasut.

Ullut tamaasa pinngortitatsinnut nersorinnittuusugut isumaqarpugut taamaammallu isumaqataanngilagut immikkut ulluliisoqassasoq ukiumut ataasiarluni nersorinniffissanngortsineq. Siunnersuut ilalinngilarput.